

تَبَرَّاتْ إِزْوَارْنْ نْ أَرْقَاصْ بُولُسْ إِتِيمُوْثَاوُسْ

1

إِفْ إِزْوَارْنْ

^١ غ دَارْ بُولُسْ لَيْ يِكَانْ أَرْقَاصْ نْ يَسُوعْ لَمَسِيحْ، سْ لَامْرْ نْ رَبِّي لَيْ يَاخْ إِجْنِجْمَنْ، دْ يَسُوعْ لَمَسِيحْ لَيْ يِكَانْ رَجَأْ نَخْ. ^٢ إِتِيمُوْثَاوُسْ أَرَأَوْ إِنُو إِحْفَاقْ غْ لِيمَانْ: أَدَاكْ إِفْكْ رَبِّي لَيْ يِكَانْ بَابَاتْنَخْ دْ لَمَسِيحْ يَسُوعْ سِيدِيتْخْ لِبَرَكَا نَسْ دْ رَحْمَتْ نَسْ دْ لَهْنَا نَسْ.

^٣ لَيْغْ دِيْخْ سْ مَكْوُنِيَا، ضَالْبَخْ كِيْكْ أَتَغْمَاتْ غْ أَفْسُسْ أَتُوصُوتْ مَدَنْ لَيْ سَلْمَادِنِينْ الْمُودْ أُورْ إِصْحَيْنْ أَسْوُلتْ أُورْ سَلْمَادِنْ، ^٤ تُوصُوتْنْ أَسْتْ أُورْ أَوِينْ غْ إِمِينْ دْ لُوصُولْ نْ لَاجْنُودْ نَسْنْ لَيْ أُورْ لَنِينْ تَمَا، أَشْكُوْ مَيَانْ أَرْدْ إِتَوِيْ يَمْجِيْدِنْ لَيْ أُورْ تَوْسِيْنْ إِتُوُرِيْ نْ رَبِّي لَيْ يِتَبَانْ فْ لِيمَانْ. ^٥ لُوصِيتْ أَدْ نَكَانْ كِيْسْ أَكْيُونْ تَلِيْ تَايِرِيْ لِيدْ إِتَكَانْ أَوْلْ إِصْفَانْ، دْ ضَمِيرْ إِصْلَحْ، دْ لِيمَانْ لَيْغْ أُورْ إِلَيْ نَفَاقْ. ^٦ مَيَادْ أَغْ فَلَنْ كَرَا نْ مَدَنْ، ضَرْبِيْنْ غْ إِمْجِيْدِنْ أُورْ كِيْنِيْ يَاتْ. ^٧ إِرِينْ أَدْ كِنْ إِسْلَمَادِنْ نْ شَرْعْ، نَتِيْ أُورْ أَكْ فَهْمَنْ أَيْلِيْ سْ أَتَتِيْنْ أَلَا أَيْلِيْ فْ سَوَالْنْ سْ زَعْمَتْ. ^٨ نَكَنيْ نَسْنْ شَرْعْ إِسْ إِفُوكِيْ، إِغَاتْ إِسْكَارْ يَانْ سْ غَمْكُلِيْ يِيْكَا. ^٩ غَمْكُلِيْ نَسْنْ: إِزْدْ أُورْدْ وَلَيْ يَمُونْ دْ أَغْرَاسْ أَفْ إِتْسَكْرْ شَرْعْ، وَلَائِيْنِيْ أَفْ إِتْسَكْرْ دْ وَلِيْتْ تَقَعِنِينْ، دْ إِغْوَاغْنْ، دْ إِدْ وَارْ رَبِّيْ دْ وَلِيْتْ تَعْصُونِينْ، دْ وَلَيْ أُورْ غُوسِيْنْ دْ إِدْ وَارْ دِينْ، دْ وَلَيْ نَقَانِينْ وَلِيْتِنْ أَرْوِينْ، أَرْ نَقَانْ مَدَنْ، ^{١٠} دْ وَلَيْ تَرْنُونِينْ، دْ وَلَيْ تَفَسِيْدِيْنْ دْ إِوْتَمَانْ، دْ وَلَيْ زَنْزَانِينْ أَرْ سَاعَنْ غْ إِسْمَانْ، دْ وَلَيْ سَكْرِكِسِيْنْ، دْ وَلَيْ تَكَلَّانِينْ سْ ثُورْ، دْ وَلَيْ سَكَرِيْنِينْ كُولْ مَادْ أُورْ إِمْشُوشِكِيْنْ دْ الْمُودْ إِصْحَانْ، ^{١١} لِيدْ إِمْشُوشَكَانْ دْ لِنْجِيلْ لَيْ يِنْكَا رَبِّيْ دْ لَامَانْتْ غْ كَرْ إِفَاسَنْ إِنُو، أَرْ إِسْوَالْ فْ لَمَجْدَنْ رَبِّيْ لَيْ نَتَحْمَادْ.

^{١٢} أَرْ تَشْكَارْخْ سِيدِيتْخْ يَسُوعْ لَمَسِيحْ لَيْ يِقْكَانْ أَدْوَاسْ، إِكْ كِيْكِيْ لَامَانْ إِسْرَسِيْيِيْ فْ تُوُرِيْ نَسْ، ^{١٣} مَقَارِتِيْنْ كِيْخْ غَادْ إِزْرِينْ كَفْرْخْ سَرْسْ سُرْفُونْخْ رَكْمَخْ. وَلَائِيْنِيْ يِرْحَمْ فَلِيْ رَبِّيْ، أَشْكُوْ أُورْ سَنَخْ مَادْ سَكَارْخْ أَلَا سَنَخْ لِيمَانْ غَكُودَانْ. ^{١٤} لَيْغْ فَلِيْ يَنْعَمْ إِرْحَمِيْيِيْ سْ رَحْمَتْ نَسْ إِكْوَنْ، إِفْكِيْ لِيمَانْ دْ تَايِرِيْ غْ لَمَسِيحْ يَسُوعْ. ^{١٥} أَوَالْ إِصْحَانْ إِكَانْ أَمْتِيدْ أَتْ إِقْبَلْ يَانْ إِكَاتْ: إِسْدُ يُوشَكَا لَمَسِيحْ يَسُوعْ سْ دُونِيَتْ أَدْ إِفْدُوْ وَلَيْ دَنْبِيْنِ كَخْ وَلِيْتِنْ كَلُو يُوْكَرْنْ. ^{١٦} وَلَائِيْنِيْ مَيَادْ أَفِيْ يِرْحَمْ رَبِّيْ: أَدْ سَرِيْ إِسْبَانِينْ نَكِيْ لَيْ كَلُو يُوْكَرْنْ لَمُودِنِيْنِ صَبَرْ نَسْ لَيْ أُورْ إِلِينْ تَمَا، إِكِيْ دْ وَلَيْ رَادْ ضَفُورْنْ وَلَيْ سَرْسْ أَمْنِينْ أَدَارْسَنْ تَلِيْ تُودْرُتْ إِدُومَنْ. ^{١٧} غَلَادْ أَبَدَا يِلِيْ شَانْ دْ لَمَجْدَ إِرْبِيْ لَيْ يِكَانْ يَانْ تَلِيْ دَارْسْ لَحِكْمَا، إِكْ أَكْلِيدْ إِدُومَنْ، أُورَا إِتْمَاتْ أُورَا إِتِيُورِرِيْ. آمِينْ.

أَرَاكْ أَكَاخْ أَيُوِي تِيمُونَاؤُسْ لُوصِيتْ أَدْ لِيدْ إِمْشُوشَكَانْ دْ أَيْلِيْ فَلَاكْ إِسْعَلْمْ رِبِّي غَادْ إِزْرِينْ، فَاتْ تَضْفُورْتْ تَمَاغْتْ تَمِيغْتْ إِصْحَانْ، ¹⁹ أَمْزْ غْ لِيمَانْ دْ ضَمِيرْ إِصْفَانْ لِي أَكِينْ كُرَا غْ مَدْنْ، طَرْزْ سُرْسْنْ سَقِينْتْ نْ لِيمَانْ نَسْنْ، ²⁰ إِكْ كِيسْنْ هِيمِينَائِيسْ دْ لِسْكَنَرْ لِي أَجِيَخْ إِشِيطَانْ، أَدْ لَمَدْنْ أَسْوُلْ أُورْ سَوَالْنْ فْ رِبِّي سْ لَجْهَالتْ. ¹⁸

2

إِفْرُ وِيسْ سِينْ

تَادْ كُلُو إِزْوَارْنْ، أَرْكِيُونْ تَضْلَابِخْ أَدْ تَدْعُومْ سْ لَخِيرْ أَرْطَرَلَامْ أَرْ تَضَلَابْمْ رِبِّي أَرْتْ تَشْكَارْمْ غْ لَجْهَتْ نْ مَدْنْ كُلُوتْنْ، ² غْ كَانْ إِكْلَادَنْ دْ وَلِيْ أَمْزِنِينْ تَبْضِينْ، فْ أَنْدَرْ تُودْرْتْ نْ لَهْنَا دْ سَلَامْتْ أَرْ تَنْعَبَادْ رِبِّي نَكْ لُوقَرْ فْ وِيَاضْ، ³ أَشْكُو مَيَادْ إِفُولْكِي يِرْضُو فَلَاسْ رِبِّي أَمْجَنْجَمْ نَخْ، ⁴ نَتَانْ لِي يِرَانْ أَكْلُو نَجْمَنْ مَدْنْ، إِسَانْ لَحَقْ. ⁵ أَشْكُو يَانْ رِبِّي أَيَلَانْ يِلِي يَانْ لِي يِصْمَصِلْحَنْ رِبِّي دْ أَفَگَانْ: أَتْ إِكَانْ دْ أَفَگَانْ يِسْوَعْ لَمَسِيقْ، ⁶ لِي يِسْتَلَنْ إِخْفْ نَسْ أَدْ كُلُو إِفْدُو مَدْنْ، تُوكَأْ أَدْ أَسْ إِخْصَانْ أَتَنْتْ نَكَا غْ لُوقَتْ نَسْنْتْ، ⁷ غَانْ أَفِيْ يِسْتِي رِبِّي إِكِيْ دْ أَرْقَاصْ، أَدْ تَبْشَارْخْ أَرْ سَلَمَادْخْ لِيمَانْ إِصْحَانْ إِلْكُنُوسْ. لَحَقْ أَدْ تَتِيَخْ أُورَا سَكْرِكِيسْخْ. ⁸ إِرِيَخْ كِيُونْ إِنَّاعْ تَمُونْمْ أَدْ تَعْبَادْمْ أَدْ طَرَلَانْ إِرْكَازْنْ، أَلَنْ إِفَاسْنْ غُوسْتِينْ سْ رِبِّي، أَدْ أُورْ عَضِينْ فْ يَانْ أَلَا أَرْ طَرَيْنْ دْ يَانْ. ⁹ غَمْكَانْ تَمَغْرِيْنْ إِلَا فَلَاسْتْ أَدْ سَفَلَكَائِيْتْ إِخْفَاوْنْ نَسْنْتْ سْ لَكْسُوتْ نْ لَحْسَمَاتْ دْ لُوقَرْ، أُورْدْ سْ تَزْرُورِيْنْ دْ أُورْغْ دْ لَجُوهْرْ دْ لَكْسُوتْ إِغَلَانْ، ¹⁰ كَنْتْ غْ تَمَغْرِيْنْ لِي يِكَنِينْ تُوكَأْ إِسْ كِيُسْنْتْ تَكْصَاصْ نْ رِبِّي أَرْ سَفَلَكَائِيْتْ إِخْفَاوْنْ نَسْنْتْ سْ لَفَعَالْ عَدْلِينْ. ¹¹ يِلِي فْ تَمَغْرِتْ أَدْ تَلَمَادْ تَفْسَا أَرْ تَسْقَلِيدْ. ¹² أُورْ أَسْ أَدْنَخْ أَتَسْلَمَادْ أَلَا أَتَصِمِيرْ غْ أَرْكَازْ، وَلَايْنِي إِلَا فَلَاسْ أَنْقَسَا، ¹³ أَشْكُو رِبِّي يِسْكْرْ زَوَارْ آدَمْ عَادْ سْ حَوَاءْ، ¹⁴ دْ أُورْدَ آدَمْ أَيْغُوا إِيلِيْسْ، وَلَايْنِي أَيْغُوا دْ تَمَغْرِتْ تَضْرَنْ غْ لَمَعْصِيْتْ. ¹⁵ وَلَايْنِي تَمَغْرِتْ رَا تَتْجَمْ إِغْ تُورُو تَرْوَا نَسْ، تَكْ لُوقَرْ فْ إِخْفْ نَسْ تَامْزْ غْ لِيمَانْ دْ تَايِري نْ رِبِّي دْ مَايِصْلَحْنْ.

3

إِفْرُ وِيسْ كِرَاضْ

أَوَالْ أَدْ إِكَا لَحَقْ: يَانْ إِكَانْ لَعَقَلْ غْ أَيْكْ أَمْزُوَارْ نْ لَكْنِيْسَا، هَانْ إِكَانْ لَعَقَلْ نَسْ غْ تُوُوري يِصْلَحْنْ. ¹ إِلَا فْ وَلِيْ يِكَانْ أَمْزُوَارْ أَتْ أُورْ تَلُومْنْ مَدْنْ، يَوِيْ يَاتْ تَمَغْرِتْ، إِيَاضْ غْ إِخْفْ نَسْ، يِلِي لَعَقَلْ نَسْ، يِلِي فَلَاسْ لُوقَرْ، أَرْ إِسْمَرْحَبَا سْ إِبْرَانِينْ غْ تَكْمِي نَسْ، إِكْ وَادْ إِصْلَحْنْ أَيِسْلَمَادْ وِيَاضْ، ³ أَدْ أُورْ إِتَلُو سْ شَرَابْ، أَلَا أَرْ إِتَمَاغْ، أَلَا إِصْمَعَانْ غْ رِبِّخْ إِخْشَنْ، وَلَايْنِي أَدَارْسْ يِلِي لَخَاطِرْ، أَدْ أُورْ إِطْرِي، أَلَا إِحْوَيَا

لِمَالٍ،^٤ يَوْيَتٌ غُ تَكْمِي نُسْ غُمْكُلِي فِلَاسْ إِلَانْ، أَرْسُرْسْ سَقْلِيْدِنْ تَرْوَا نُسْ سُوكْتُنْ فِلَاسْ لُوقَرْ.^٥ أَشْكُو وَنَاسْتُ أُورْ يُوينْ غُ تَكْمِي نُسْ، مَمْنُكْ أَسْ رَاسْتَ يَوِي غُ لَكْنِيْسَا نْ رَبِّي؟^٦ أَدْ أُورْ إِكْ وَلِي حَرَا كَا يُومَنْ أَدْ أُورْ يُوفَّ سْ لَكِيْرِ إِضْرِ فِلَاسْ لَعَقَابْ لِي يُضْرِنْ فِي إِيلِيسْ.^٧ غُمْكُلِي يُخْصَا أَيْقُولِكِي سَمْعُ نُسْ غُ دَارْ وَلِي لَانِينْ غُ بِرَا نْ لَكْنِيْسَا، أَدْ أُورْ كَسْ لَعَرَضَا نُسْ يَامْرُتْ لَمَدْدَافْ نِ إِيلِيسْ.

غُمْكُلِي يِلَّا فِ إِمَوَاسْنْ أَفْلَاسْنْ يِلِي لُوقَرْ، يِلِي گِيسْنْ لَمَعْقُولْ، أَدْ أُورْ تَبْلُونْ سْ شَرَابْ، أَلَا ضَمْعَانْ غُ رَبْحِ إِخْشِنْ،^٩ يِلِي فِلَاسْنْ أَدْ أَمْزِنْ غُ سَرَنْ لِيمَانْ سْ ضَمَّيرِ إِصْقَانْ.^{١٠} وَلَائِنِي إِفَانْ أَتَنْ زُواَرْ تَجْرِيمْ، إِغْ گِيسْنْ أُورْ إِلِي كَرَا نْ مَايَخْشِنْ تَكْمِنْ دِ إِمَوَاسْنْ.^{١١} غُمْكَانْ تَمَغْرِيْنْ نُسْنْ إِلَا فِلَاسْنْتَ أَيْقُولِكِي سَمْعُ نَسْنَتْ، أَدْ أُورْ تَعْبِيْنْتْ وَيَاضْ، إِلِيْنْتْ لَعَقْلْ نَسْنَتْ يِلِي گِيسْنَتْ لَامَانْ غُ كَرِيْكَاتْ تَغُوسَا.^{١٢} يِلِي فِ إِمَوَاسْ أَيْتِهِنْ يَاتْ تَمَغْرِتْ، يَوِيْتْ غُ تَرْوَا نُسْ تَكْمِي نُسْ غُمْكُلِي فِلَاسْ إِلَانْ،^{١٣} أَشْكُو وَلِينْ گِينِ صَاحْتْ سْ تُوْرِي نُسْنْ، رَاتِنْ سِيمَغُورْنْ مَدَنْ، رَعْمَنْ بَهْرَا سِ لِيمَانْ نُسْنْ سِ لَمَسِيْحِ يَسُوعْ.

أَرْ تَرْجُوْخْ أَنْ دَارِكْ أَشْكَخْ غُ مَانْ أُورْ يَكُوْكْنْ. وَلَائِنِي أَرْيَخْ أَكْنْ مَيَادْ،^{١٤} حَتَّا إِغْنْ مَاطْلَخْ، أَتِيْسَانْتْ مَمْنُكْ أَسْ رَادْ تَتْصِرِيفْتْ دِ أَيْتْ تَكْمِي نِ رَبِّي، نَتْتِي أَيْكَانْ لَكْنِيْسَا نِ رَبِّي يَدْرُنْ، ثَكْ لَكْنِيْسَا تَغْرِطْ نِ لَحْقَ دِ لَسَاسْ نُسْ.^{١٥} أُورْ گِيسْ شَكْ، إِسْ إِمَقُورْ سَرَنْ لِيمَانْ نَخْ: رَبِّي إِيَّاينِدْ غُ دَاتْ نِ افَكَانْ، إِيَّاينِدْ إِسْ إِكَا وَادْ إِصْلَحْنْ سِ رُوحْ نُسْ، ژَرْنْتْ لَمَلَيْكَا، بُشَرْنْ سَرْسْ وَلِيتْ ضَفْوَرْنِينْ غُ تَمِيزَارْ نِ لَكْنُوسْ، أُومَنْ سَرْسْ مَدَنْ غُ دُونِيْتْ، إِتِيُورْفَاعْ غُ لَمَجْدَهْ.

4

إِفْرُ وِيسْ كُوْزْ

^١ هَانْ رُوحْ لَقْدُسْ أُورْ إِسْنَنْ يَاتْ لِيْغْ إِنَا: إِسْ رَادْ إِلِينْ غُ أَسَانْ كَرَانِينْ كَرَا نِ مَدَنْ لِي رَا إِفْ لِيمَانْ، ضَفْوَرْنْ كَارْ لَارْوَاحْ لَيِنْ جَلُونِينْ، ضَفْوَرْنْ أَيْلِي يَاسْنْ سَلَمَادْنْ شِيَاطِينْ،^٢ مَيَادْ أَرْتْ سَلَمَادْنْ كَرَا نِ لَمُونَفِقِينْ لِي سَكْرُكِسْتِينْ، أُولَوْنْ نُسْنْ مُوتْنْ زُونْدْ إِغْ جَدْرُنْ سِ ازَالْ إِحْمَانْ،^٣ أَرْتِيْنْ إِمَدَنْ أَدْ أُورْ تَهْلَنْ، دِ أَدْ أُورْ شَتَّانْ كَرَا نِ تِيرَامْ لِيدْ إِسْكَرْ رَبِّي فِ أَنْتَتْ شَتَّانْ وَلِي أَمْنِينْ إِسَانْ لَحْقَ، أَرْتْ فِلَاسْنْتْ تَشْكَارْنْ.^٤ أَشْكُو كُولْ مَايَخْلَقْ رَبِّي إِفُولِكِي، أُورْ إِخْصَا أَنْسَحَرَامْ يَاتْ، وَلَائِنِي أَفْلَاخْ إِلَانْ دِ دَاتْ نَقْبَلْ نَشْكَرْ فِلَاسْ رَبِّي،^٥ أَشْكُو أَوَالْ نِ رَبِّي دِ طَرْلِيتْ أَرْتْ سَعْوَسْنْ.^٦ إِغَادْ تَسْكَاتِيْتْ لُوْصِيَّاتْ أَدْ إِيَّتِمَاكْ، أَرْ تَيْمَغُورْتْ سِ وَوَالْ نِ لِيمَانْ دِ الْمُودْ إِصْحَانْ لِي تَضْفُورْتْ، رَاتِكْتْ أَخْدَامْ إِصْلَحْنْ إِلْمَسِيْحِ يَسُوعْ.^٧ وَلَائِنِي إِتِي غُ تَمِينِينْ نِ تَقْيِيرِينْ لِيدْ أُورْ مَشْوُشَكِينْ دِ لِيمَانْ، أَرْ تَسْدَرَابْتْ إِخْفُ نَكْ فِ أَيْلِي يَكَانْ وَيِنْ رَبِّي.^٨ أَشْكُو رِيَاضَا نِ دَاتْ تَلَّا گِيسْ كَرَا نِ لَفَائِتْ، مَشْ إِغْ تَسْلَاتْ أَيْلِي يَكَانْ وَيِنْ رَبِّي إِكَا كُلو لَفَائِتْ، أَشْكُو مَيَانْ أَرْ إِقَوَالْ سِ تُودْرَتْ إِدُومَنْ غُ تُودْرَتْ أَدْ أَلَا نَلِي رَادْ يَاشَكْ.^٩ أَوَالْ أَدْ إِكَا لَحْقَ، إِكْ أَمْنِيدْ أَتْ كُلو إِقْبَلْ يَانْ.

¹⁰ أَشْكُو أَفْ نُمَّاعْ أَرْ نَتِيَرِيلْ دِ إِسْنْ نَگَا رَجَا نَخْ عْ رَبِّي يَدْرِنْ، لَيْ يِگَانْ أَمْجَحْمْ نْ مَدْنْ كُلُوتْنْ، أَبُهُومْ
¹¹ وِلَيْ أُمْنِينْ. ¹² إِلَّا فَلَكْ أَدْ تُوصُوتْ فْ مِيَادْ أَرْتْ تَسْلَمَاتْ.

¹² أَدْ أُورْ تَاجْتْ حَتَّا يَانْ أَكْ إِحْكَرْ فْ غَمْكَلِي تَمْرِيتْ، وَلَائِنِي زُورْ إِيمُونْ أَكْ ضَفُورْنْ عْ مَايِعْدَنْ عْ
وَوَالْ أَلَا لَفْعَالْ، دِ تَايِري، دِ ليَمانْ، دِ تُودْرَتْ إِغُوسْنْ. ¹³ دَاوْمْ فَلَاسْنْ تَغْرِي نْ وَوَالْ نْ رَبِّي أَرْتْنْ
تَصَاحْتْ أَرْتْنْ تَسْلَمَاتْ أَرْكِيغْنْ أَشْكِيخْ. ¹⁴ أَويَتْ غْ تِيكِيتْ لَيْ يَاكْ إِنْيُوكَانْ فْ أَفُوسْ نْ إِمْغَارْنْ نْ لَكْنِيسَا
لَيْ مِيتْ إِسْعَلْ رَبِّي لَيْغْ فَلَكْ سَرْسْنْ إِفَاسْنْ نَسْنْ. ¹⁵ أَويَتْ غْ مِيَادْ تَكْتَنْ كُلُو سَرْسْ لَجْهَدْ نَكْ، أَرْكِيغْ
إِيَائِنْ إِكْرِيَگَاتْ يَانْ إِسَا تَزِيَگِيزْتْ سْ لَكْدَامْ. ¹⁶ رَارْ لَعْقَلْ سْ مَمَنْكْ أَسْ تَتْصَرِيَفْتْ، تَرَارْتْ سْ الْمُودْ لَيْ
تَسْلَمَاتْ، تَعْمَاتْ غْ أَيْلِي سَاكْ نَيْخْ أَرْتْ تَسْكَارْتْ، أَشْكُو إِغْ أَسْرُسْ تَسْكَارْتْ رَا تَتْجَمْتْ نَجْمَنْ دِيدْكْ وِلَيْ
يَاكْ سَقْلَدِينْ أَلَا نَتْتِي.

5

إِفْرْ وِيسْ سَمُوسْ

¹ أَدْ أُورْ طَرِيتْ دِ وَنَا يِگَانْ أَقْفِيرْ وَلَائِنِي نَصْحَتْ زُونْدْ بَابَاكْ، تَتْصَحْتْ إِعْزِرِينْ زُونْدْ أَيْتَمَاكْ، ² كَنْتْ
دَارِكْ تَقْرَرِينْ زُونْدْ مَاكْ، كَنْتْ دَارِكْ تَعْزِرِينْ زُونْدْ إِسْتَمَاكْ، أَرْ تَسْكَارْتْ مِيَادْ سْ وُولْ إِغُوسْنْ.
³ أَويَتْ غْ تَدَكَلِينْ لَيْ دَارْ أُورْ إِلَيْ يَانْ. ⁴ وَلَائِنِي تَنَا دَارْ لَانْ تَرْوَا نَغْ تَرْوَا نْ تَرْوَا، هَانْ إِلَا فَلَاسْنْ أَدْ
لَمْدَنْ أَرْوَارْ سَكَارْنْ لَخِيرْ غْ أَيْدَارْسْنْ، رَارْنْ إِولِيَنْ أَرْوَنِينْ أَجْمِيلْ نَسْنْ، أَشْكُو مِيَادْ أَرْ بَهْرَا فَلَاسْ إِتْرَضُو
رَبِّي. ⁵ تَلِي يَدِلِي يِگَانْ تَدَكَالْتْ أُورْ دَارْسْ يَانْ، هَتِي رَبِّي أَغْنَ تَكَأَ رَجَا نَسْ، أَرْ بَدَا طَرَلَا ضَيْيِضْ دَأْزَالْ
أَرْ تَضَلَّابْ رَبِّي أَدَاسْ يَاوْسْ. ⁶ وَلَائِنِي تَنَّاتْ يَوِينْ غِيرْ غْ شَهَوَاتْ، خَتَّانْ تَمُوتْ نِيتْ مَقَارْ تَدَرْ. ⁷ نَصَایْحْ
أَدْ مَلْتَنْتْ إِيمُونْ أَكْيِسْنْ أُورْ يِلي مَادْ تَنِينْ وِيَاضْ. ⁸ وَلَائِنِي وَنَاتْ أُورْ يَوِينْ غْ أَيْدَارْسْ، أَبُهُومْ غْ أَيْنِگَمْيِي
نَسْ، هَانْ إِنَاكْ ليَمانْ، إِكَدْ أَفَلَا إِولِي يَكُوفْرْنْ. ⁹ أَدْ أُورْ تَحَاسِبْ كَرَا نْ يَاتْ غْ كَرْ تَدَكَلِينْ، أَرْدْ تَسَافُو
كَرَاصْ إِدْ عَشْرِينْ نْ أَسْكَاسْ، إِفْتَنِيدْ يَانْ أَرْكَازْ، ¹⁰ نَيْوَسَانْ إِسْ أَتْسَكَارْ مَايْقُولَكِينْ، تَرْبَا تَرْوَا نَسْ فْ
مَايِعْدَنْ، تَصْضِيَفْ إِرْأَنِينْ، تَسِيرْدْ إِسَارَنْ إِبِيتْ رَبِّي، أَرْ تَأْوُسْ إِولِي لَانِينْ غْ تَسَاسْتْ، تَسَلَا دَكُولْ
مَايِصْلَحْنْ. ¹¹ أَدْ أُورْ تَحَاسِبْتْ تَدَكَالْتْ نَا مَزِينْ غْ لَعْمَرْ غْ كَرَاتْسِنْتْ، أَشْكُو إِغْ فَلَاسْ تَكَا شَهَوَا نَسْ رَانْ
تَكْ لَعْقَلْ نَسْ غْ لِيَتِيهَالْ، تَقْلُ لَمْسِيَحْ، ¹² غَمْكَانْ أَسْ رَا فَلَاسْ إِتُوتْ لَحُوكْمْ، أَشْكُو أُورْ تَسْكُرْ أَيْلِي سْ
تَقاوْلْ. ¹³ غَمْكَلِي رَادْ تَلَمَادْ أَنَگْ تَمَعْكَارْتْ، تَقْكْ إِتَگَما. دَأْورَدْ لَعْكَزْ كَا وَلَائِنِي أَلَا مَدْنْ رَاتَنْ بَهْرَا تَادَرْ،
أَرْنْ تَخْشَمْ غْ أَيْلِي أُورْ إِكِينْ وِينْسْ، أَرْتَسَوَالْ فْ أَيْلِي سْ أُورْ إِخْصَا أَفَلَاسْ تَسَوَالْ. ¹⁴ مِيَادْ أَفْ تَتْصَاحْ
تَدَكَلِينْ لَيْ مَرْيِينْ أَدْ تَاهَلْتْ أَرْوَنْتْ تَرْوَا أَوِينْتَسْتْ غْ تَكْمَمَا نَسْنْتْ، أَدْ أُورْ فَالَّنْتْ إِلْعُدو مَافْ أَيْخْ إِرْگَمْ.
كَرَا گِيَتْسِنْتْ إِسْ يَادْ فَلَنْتْ أَغَرَاسْ ضَفُورْنْتْ شِيَطَانْ. ¹⁶ إِغْ لَانْتْ تَدَكَلِينْ دَارْ كَرَا نْ تَمُومْنْتْ نَغْ كَرَا نْ

إِمْوَمْنُ، إِلَّا فَلَاسْ أَدْ أَسْنَتْ إِتَّاوسْ أَدْ أُورْ كَنْتْ أَزَارُو فَلَكْنِسَا، بَاشْ لُكْنِسَا أَتَاوْسْ إِتَّكَلِينْ لَيْ دَارْ أُورْ إِلَيْ يَانْ.

¹⁷ أَمَا إِمْغَارْنْ لَيْ سُكَرْنِينْ أَيْلِي فَلَاسْنْ إِلَانْ كَنْ إِمَرَالْنْ نْ لُكْنِسَا، طَهْلُوِيَاتْ بَهْرَا كِيسْنْ، أَبْهُومْ وَلِي تَرْكَلِينْ فَأَدْ تَبْشَارْنْ سْ وَالْنْ رَبِّي أَرْتْ سَلْمَادْنْ، ¹⁸ أَشْكُو أَرَّا نْ رَبِّي أَرْ إِتِّي: «أَدْ أُورْ نَقْنَتْ إِمِي أُورْزُكْرْ نَا إِسْرُواْنْ»، يَنِي دَاخْ: «أَخَدَامْ إِضْفُورْ تَغْرَاصْ نَسْ».

¹⁹ أَدْ أُورْ تَسْقَلِيتْ سْ كَرَانْ يَانْ نَا إِتَّشَكَانْ فَكَرَا غْ إِمْغَارْنْ أَرْدْ فَلَاسْ فَكْنْ سِينْ نَغْ كَرَاصْ إِنَگَانْ تُوكَّا. ²⁰ وَلِي تَقْغِنِينْ أَغَرَاسْ طَرِي دِيدِسْنْ غْ لَكْدَامْ نْ مَدَنْ، أَدْ إِكْصَاصْ غُويِنْ يَاضِنْ. ²¹ أَرْكْ تُوصُوخْ غْ أَمْنِيدْ نْ رَبِّي دْ سِيدِيَتْخْ يَسُوعْ لَمَسِيحْ دْ لَمَلَيِكَا تَيَوْسُتِينِينْ، أَتَسْكَارْتْ سْ مَيَادِ لَيْ سْ أَكْ نَيْخْ بَلَاتِكِيتْ تَسْكَانْ يَانْ، أَلَا أَرْ تَسْكَارْتْ أَدْمَادْنْ. ²² أَدْ أُورْ تَسِيتْ تَزَلَّا أَتَسْرَسْتْ أَفُوسْ نَكْ فَيَانْ، أَلَا تَسْكُشْمَتْنْ إِحْفَ نَكْ غْ دَنُوبْ نْ يَانْ. گْ وَادْ إِغُوسْنْ.

²³ أَدْ أُورْ تَسَاتْ أَمَانْ وَحْدُوتْنْ، وَلَايِنِي سَا إِمِيكْ نْ شَرَابْ إِلْمَعْدَا نَكْ دَتَاغْ كَرَا إِكْوْتَنْ لَيْ كِيكْ إِلَانْ.

²⁴ دَنُوبْ نْ كَرَانْ مَدَنْ بَايِنْ أَرْتَنْ زُكُورْنْ سْ وَاسْ نْ لَحْسَابْ، دَنُوبْ نْ وِيَاضْ أُورَا تَتِيَانْ أَرْكِيغْ. غُمْكَانْ دْ لَفَعَالْ عَدْلِينِينْ بَايِنْ، إِغْ أُورْ بَايِنْ أُورَا بَدَا نَتْنَ.

6

إِفْرْ وِيسْ سَضِيصْ

¹ إِمْوَمْنْ غْ إِسْمَكَانْ لَيْ لَانِينْ غْ دُو تَسْكُنُوتْ، إِلَّا فَلَاسْنْ أَدْ سَكَارْنْ سْ لَحْسَابْ نْ وَلِي فَلَاسْنْ لَانِينْ، فَادْ أُورْ إِرْكَمْ يَانْ إِسْمْ نْ رَبِّي دْ الْمُودْ نَسْ. ² إِلَّا فْ إِسْمَكَانْ أَدْ أُورْ حَكْرَنْ إِمْوَمْنْ لَيْ فَلَاسْنْ لَانِينْ فْ سَبَّتْ نْ غُمْكَلِي كَانْ أَيْتَمَاتْسْنْ، وَلَايِنِي أَفَلَاسْنْ إِلَانْ دَأَنْ كَنْ صَاحْتْ سْ تُوُورِي نَسْنْ، أَشْكُو إِمْوَمْنْ لَيْ دَارْسْنْ عَزَانِينْ أَدْ نَفَعَانْ سْ تُوُورِي نَسْنْ. مَيَادِ أَدَسْنْ تَسْلَمَاتْ أَرْتَنْ فَلَاسْ تُوصُوتْ.

³ إِغْ أَيْسِلَمَادْ كَرَانْ يَانْ كَرَانْ الْمُودْ يَاضِنْ لَيْدْ أُورْ إِمْشُوشِكِينْ دْ وَوَالْنْ سِيدِيَتْخْ يَسُوعْ لَمَسِيحْ لَيْ يِكَانْ صَاحْتْ، دْ الْمُودْنْ لِيمَانْ نَخْ، ⁴ هَانْ إِكْسْمَتْ لَكِيَرْ، أُورَا إِقْهَامْ يَاتْ، يَلِي كِيسْ وَطَانْ نْ إِمْجِيدِنْ دْ إِمْحُوكُوتْنْ فْ لَمْعَنَا نْ إِولِيُونْ، مَيَادِ أَرْ إِتَّوِي سْ لَحْسَادَا، طَرِيَطْ، تَرْكَامْ، دْ شِكْ إِخْشِنْ. ⁵ زُونْدْ مَدَنْ أَدْ لَيْ تَمْجِيدِينْ إِخْشَانْ إِسْوِنِكِيمْ نَسْنْ أُورْ أَتَتِينْ لَحَقْ، غَالِنْ لِيمَانْ إِسْ إِكَأْ تَسْبَابْتْ، تَانْفْ أَسْنْ. ⁶ وَلَايِنِي هَانْ لِيمَانْ سْ رَبِّي دْ لَقْنَعَا أَيْكَأْ دْ تَسْبَابْتْ غْ إِلَّا صَحَا مَقْوَرْنْ. ⁷ أَشْكُو أُورْدْ دِيدِنْخْ نَوِي يَاتْ لِيغْدْ نَكْشْ سْ دُونِيتْ، بَايِنْ إِسْ أُورَاتْ دِيدِنْخْ نَوِي إِغْتْ نَفُوغْ. ⁸ إِغْ دَارْنَخْ لَمَعِيشْتْ دْ لَكْسُوتْ، نَقْنَعَا سَرْسْنْ. ⁹ أَمَا وَلِي سِكَلِينْ أَدْ غُنُونْ، هَانْ أَرْنَ طَارْنْ غْ تَسَاسْتْ يَامِرْتَنْ لَمْدَافْ نْ تُوكْتْ نْ شَهَوَاتْ ضَرَانِينْ، أَرْ سُوفُوغْنَتْ

لَعْقَلْ، أَرْتَكَانْتْ أَكْرِي إِمْدَنْ هُلْكَنْتَنْ. ¹⁰ أَشْكُو تَايِرِي نْ لِمَالْ أَتَكَا دْ أُزُورْ نْ كُرِيَّغَاتْ أَنَاوْ نْ كَارْ، كُرَا نْ مَدَنْ رِبَّانْ فَلَاسْ تَاسَا فَغْنْ أَغَرَاسْ نْ لِيمَانْ، سِيَّغَاسْنْ أُولَاؤْ نَسْنْ سْ تُوكْتْ نْ تُوكْضُوبِينْ.

¹¹ أَمَا كِبِّينْ أَيْفَكَانْ نْ رَبِّي رَكْلْ غْ مَيَادْ، نَصْفُورْتْ أَغَرَاسْ نْ لَحَقْ، أَرْتِسْكَارْتْ أَيْلِي فْ إِرْضا رَبِّي، يِلِي كِيكْ لِيمَانْ دْ تَايِرِي نْ مَدَنْ دْ صِبْرْ دْ لَخَاطِرْ. ¹² مَاعْ تَمِيغْتْ إِصْحَانْ فْ أَغَرَاسْ نْ لِيمَانْ، تَامِرْتْ غْ تُودْرْتْ إِدُونْ لَيْ سْ أَكْ إِغْرَا رَبِّي، لِيغْ تَقْكِيتْ تُوكَّا فُولْكِنِينْ غْ لَكْدَامْ نْ إِنَّگَانْ كُوتْتِينْ. ¹³ أَرْكْ تُوصُوخْ غْ أَمْنِيدْ نْ رَبِّي لَيْ يِكَانْ تُودْرْتْ إِكُولْ مَايَلَانْ، دْ لَكْدَامْ نْ يَسُوعْ لَمَسِيحْ لَيْ يِقْكَانْ تُوكَّا فُولْكِنِينْ غْ لَكْدَامْ نْ بِيلَاطْسْ لَبْنَطِي، ¹⁴ أَتِسْكَارْتْ سْ لَوْصِيَّاتْ أَدْ تَغُوسْتْ أَكِيكْ أُورْ يِلِي كُرَا نْ مَايَخْشَنْ أَرْدَ إِبَايِنْ سِيدِيَّتْخْ يَسُوعْ لَمَسِيحْ، ¹⁵ لَيْ رَادْ إِسْبَايِنْ رَبِّي غْ لَوْقَتْ نْسْ نَتَانْ لَيْ تَحْمَادْنْ مَدَنْ إِكْ وَلِي يَتَحْكَامْنْ وَحَدُوتْ: أَكْلِيدْ نْ إِكْلَدَانْ دْ سِيدِيسْ نْ إِمْغَارْنْ، ¹⁶ وَحَدُوتْ أَدْ أُورْ إِتَّمَاتَنْ، إِزْدَغْ غْ تِفَاقْوْتْ لَيْنْ أُورْ إِلْكَمْ يَانْ، أُورْتْ إِزْرِي يَانْ أَلَا إِرْضَارْ يَانْ أَتْ إِزْرُ، نَتَانْ لَيْ دَارْ لَمَجْدْ دْ لَجْهَدْ إِدُونْ. أَمِينْ.

¹⁷ أَصُو وَلِي طَفَنِينْ أَيَّدَا نْ دُونِيتْ أَدْ أُورْ كَابِرْنْ، أَلَا كَنِينْ رَجَأْ نَسْنْ غْ وَيَدا نَسْنْ أَشْكُو أُورْ إِدَوْمْ، وَلَائِنِي أَنْ كَنْ رَجَأْ نَسْنْ غْ رَبِّي لَيْ يَدِرْنْ أَرَاخْ يِكَا كُرِيَّغَاتْ تَغُوسَا سْ تُوكْتْ أَسَرْسْ نَفْرَخْ. ¹⁸ أَصُوتْنْ أَذْ سَكَارْنْ أَفُولْكِي، كَنْ وَلِي دَارْ لَابَاسْ غْ لَافَعَالْ عَدْلِنِينْ، كَنْ وَلِي سَخْنِينْ، أَرْ أَطَانْ أَيْلِي دَارْسْنْ دْ وِيَاضْ، ¹⁹ غَمْكَانْ أَسْ رَادْ خَزْنْ إِيْخَفَاوْنْ نَسْنْ يَانْ لَكْنْزْ لَيْ رَايْكْ لَسَاسْ إِصْحَانْ إِمَادْ إِكَانْ لَكْدَامْ، فَادْ أَمْزَنْ تُودْرْتْ إِدُونْ.

²⁰ رَارْ لَعْقَلْ أَتِيمُوْثَاوْسْ سْ لَامَانتْ لَيْ يِلَانْ غْ كَرْ إِفَاسْنْ نَاكْ، تَتِيتْ غْ وَوَالْ إِلْسْنْ أُورْ إِكِينْ يَاتْ، دْ إِمْجِيَّدِينْ خَوَانِينْ لَيْ مِ تَتِينْ نَتِي تُوسَّنَا، ²¹ كُرَا نْ مَدَنْ أَرْتِتِينْ تَلَّا دَارْسْنْ تُوسَّنَا يَانْ، فَغْنْ أَغَرَاسْ نْ لِيمَانْ. ²² أَدَاكْ إِفْكْ رَبِّي لَبِرَكَا نَسْ.